

831.

1436 März 14

Einigung zwischen Fritz Kolbe und Fritz Kuchler über die Güter von Fritz Kolbe.

fol. 151r Friczschz Kolbin Scheydunge. Geschen an der mitwochin vor dem sontage letare yn dem sechz und dryszigistin jare der mynnern czal by dem burgermeister Johansze Lasan und synen eytgnoszin synt von dem nuwen und alden rathe gutlichin mit ir beyder wille beteidigit und bericht Friczschze Kolbe unde Angnesz, syn eliche wirtin, uf eyne und Friczschze Kuchler uf die andere parte. Alzo daz Friczschz Kuchler Friczschzin Kolbin und syme elichin wibe alle ir erbe und ire guter an egkere, wysin und gertin czuvor an sal wydir gebin, folgin laszin und sich der vorczihin, und wasz er des vorkauft, vorsaczt addir vorpfand hette, daz sal Friczsch Kuchler on widir ledigin addir so vil geldis wyder ynlegin und gebin. Darnoch sal Kuchler Friczsch Kolbin unde syme wibe vor alle zerunge und bruche und teidinge reichin und gebin funfczig schogk nuwir schildechter gr und die bezcalen, alz er noch geschr(ieben) stehit, funfczig guldin wert geldis uf Lipczkziger margkt nehist komen, funfczig guldin wert darnoch uf Laurentii und dy lezczzten funfczig guldin geldes uf dy herbistmesze noch Michaelis, dy tagezyt nocheynandir folgende an alle ire schedin und sullen daruf gute frunde syn an geferde ir eyns dem andern uf alle teil nicht beleydigin und der sache zu arge gedengken mit wortin noch mit wergken. Und welche partye die richtunge obirfure und breche mit Worten addir mit wergken, den sal der rath straffin noch syn wol gefallen ouch so sal Kuchler alle dy gerechtikeit und czu spruche, dy er von syn und synir kynder weyn czu Friczschzen Kolbin, syme wibe und czu irs vaters und muter selgin gutere uf sulche richtunge gancz laszin fallen und ab syn und sal eyn gerichte sache blybin, alz geschr(ieben) stehit. Auch sint yn dy richtunge geczogen uf beide teil alle dy, die yn sachin begriffen und vordacht synt und nemplichen synt uz der richtunge uz geczogen und hyndan gesaczt vir slayer, eyn roth mantel, eyn gruner rogk und eyn pelcz, dy Kuchler nicht inne hat, by weme sy das irfert, daz mag sy vordern deszir richtunge unschedelich.

832.

1436 März 24

Die Stadt vermerkt auf Bitten von Kunz und Hans Kuchler sowie Hans Apt deren Einigung über den Kauf eines halben Hauses im Stadtbuch.

fol. 151v Cuncz Kuchlers und Aptes enczschydunge. Gescheen am sonnabende vor dem sontag judica synt vor uns komen Cuncz Kuchler und Hansz Kuchler uff eyn und Hansz Apt uff die andere partye. Und sy habin vorczalt, wy sie mit eynandir kaufes synt eyn wordin alz von des halbin huses, das von Elizabeth Suchzingen an sy komen ist, und habin uns eyn vorsigltin